

ՊԱՐԻԱՅԻ ԵՐԳԸ

Մեր ինչին է պետք, թե արևն անմահ
Անդրրաստեղյան լազուր աշխարհում
Առնում է շրջանն իր հավերժական,
Թե ցած է հոսում ճոխ ալիքներով

5 Իր ակնախըտիղ շողերն անարատ:
Երկինք ու երկիր, մե՛զ մըտիկ արեք,
Ի՛նչ ենք մենք...

Մեր ինչին է պետք — կինը նորատի
Ըստանում է թանկ իրեն ամուսնուց

10 Քընքուշ գրավը տարփալի սիրո.
Սեր ու զավակներ ո՛վ է տվել մեզ...
Երկինք ու երկիր, մե՛զ մըտիկ արեք,
Ի՛նչ ենք մենք...

Մեր ինչին է պետք, թե ամենազոր

15 Կա աստվածային սուրբ երրորդություն
Եվ արարչական, և միշտ պահպանող,
Եվ միշտ նորոգող համայն աշխարհի
Ձի փայլում, ավա՛ղ, նրանց փառքը մեզ:
Երկինք ու երկիր, մե՛զ մըտիկ արեք,
20 Ի՛նչ ենք մենք...

Մեր ինչին է պետք, թե հաշտ ու զոհի
Ծուխն ու ճենճերը երկինք է ելնում,
Թե ծիլ ու ծաղիկ գետինն են ծածկում,
Թե բար ու պտուղ ծառերն են զուգում,
25 Եվ կամ սրբազան ջուրը Գանգեսի
Թավալում է պարզ խաղաղ հովիտում:
Երկինք ու երկիր, մե՛զ մըտիկ արեք,
Ի՛նչ ենք մենք...

Քե՛զ, անմահ Ինդրա*, ո՛վ աչքի խընդում,
30 Ամենքից պաշտված դու գանձ երկնային,
Չենք կարող, Աստվա՛ծ, մենք քեզ աղոթել
Որ մեր խորհրդով շանարգենք բնավ
Քո աստվածային լըսելիքը սուրբ:
Երկինք ու երկիր, մե՛զ մըտիկ արեք,
35 Ի՛նչ ենք մենք...

Իզուր մերժեցի ես մահը դաժան
Եվ անտառների խորքերումը խուլ
Սրբազան հեղումն արի լիասիրտ,
Որ աստվածների սըրտերը մեղմեմ,
40 Ո՛հ, նրանք փախան իմ մոտենալիս:
Երկինք ու երկիր, մե՛զ մըտիկ արեք,
Ի՛նչ ենք մենք...

*Ինդրան հնդկական դիցաբանության վեդայական շրջանի Արամազդն է (գլխավոր Աստվածը) - (հեղ.)

Ու՛ր են ակները էն պարզ ջրերի,
Ուր մեր ծարավը կոտրել կարենանք,
45 Լոկ անասունի ոտքի տեղերի
Հոտած ջուրն է մեր ըմպելին միակ:
Երկի՛նք ու երկիր, մե՛զ մըտիկ արեք,
Ի՛նչ ենք մենք...

Ո՛ւր են դաշտերը, ուր որ մեզ համար
50 Աճում են բրինձն ու այլ բարիքներ.
Զրկա աշխարհքում ցորնի մի ցողում
Մի խոտ, մի ծաղիկ, որ մեզ պատկաներ:
Երկի՛նք ու երկիր, մե՛զ մըտիկ արեք,
Ի՛նչ ենք մենք...

55 Երբ հովիտներից սավերը ծնում
Վե՛ր, անտառների բարձունքն է ելնում,
Երբ հովիվն երգով թողնում է հանդը,
Աղջիկը տանը ընթրիք պատրաստում,
Երբ շանն են տալի թերմացքն իրիկվան –
60 Ի՛նչ ուտի արդյոք և ո՛ւր էն ժամին,
Ո՛ւր գնա պարիան, ո՛ւր հանգստանա...
Երկի՛նք ու երկիր, մե՛զ մըտիկ արեք,
Ի՛նչ ենք մենք...